

先祖遗墨

思亲 五言古风

亲健子常依，
亲衰子常别。
别则亲心忧，
依则亲心悦
欲报鞠育恩，
何以奉养缺。
山馆慕庭帟，
屈指归期切。

清邑生 杰 镜云

游泮吟怀 七律

竞临四十泮宫游，
辛苦名场几度秋。
学勉趋庭怀至训，
情殷立雪忆芳修。
后先忧乐苍生系，
今古功勋素志筹。
久客长沙乡思切，
芹香风送满归舟。

清邑庫生 杰 镜云

训子二首

(一)

达道原来是五伦，
至诚相感见情真。
读耕世业家声旧，
孝友门庭福祉臻
先绪恢宏应有志，
后昆垂裕庶几人。
浮云富贵由天命，
安分常生一室春。

民国师范员 浚 兆耕

(二)

须识修身事事难，
前人榜样后人看。
鸿基开拓由勤俭，
鸩毒分明在宴安。
谨慎一生钦蜀相，
奸雄千载骂曹瞒。
莫云月旦无公论，
心地宜留种柱兰。

民国师范员 浚 兆耕

兄弟相勉

调叶墦簋乃克家，
田宜率力耕千亩，
孝友一庭春正霭，
门闾光大才如愿，

相期毋废旧生涯。
书贵潜心读五车。
风云万里志弥奢。
瓜瓞绵绵福履加。

民国师范员 晨 勛忠